



JUDICIAL SYSTEM MONITORING PROGRAMME
PROGRAM PEMANTAUAN SISTEM YUDISIAL

Komunikadu Imprensa

18 Outubru 2012

Parlamentu aprova proposta orsamentu retifikativu Millaun US\$ 50

Parlamentu Nasionál iha 17 Outubru aprova Proposta Orsamentu Retifikativu hafoin hala'o diskusaun iha espesialidade durante semana ida. Proposta ne'e ho objetivu atu aumenta tan orsamentu millaun US\$50 ba programa governu nian tinan 2012.

Governu sei uza orsamentu retifikativu ne'e ba: aumenta pagamentu ba pensaun veteranus millaun US\$ 26.9, subsidiu ba ferik-katuas 'idozus' millaun UA\$ 7, fundu ba kontinjéncia millaun US\$ 6, Ministériu Defeza no Seguransa millaun US\$ 2.9, no Ministériu Edukasaun millaun US\$ 1.7.

JSMP nota katak alokasaun orsamentu retifikativu ne'e la iha balansu tanba setór edukasaun hetan deit millaun US\$ 1.7 kompara ho pensaun ba veteranus ne'ebé hetan millaun US\$ 26.9 no idozus millaun US\$ 7.

Iha sesaun plenáriu, Primeíru Ministru Kay Rala Xanana Gusmão esplika razaun governu hato'ó proposta Orsamentu Retifikativu ne'e tanba iha governu foun. Nia dehan proposta ne'e transfere millaun US\$50 husi fundu infrastrutura ba saláriu vensimentu tanba la ezekuta hotu atu rekruta funcionáriu públiku foun no la konsege implementa hotu osan ba projetu tasi mane nian iha tinan ne'e.

“JSMP hanoin proposta ne'e indika, governu la iha planu anuál detalladu no la tuir situasaun réal tanba iha tinan ne'e governu seidauk ezekuta hotu orsamentu 2012 ho efetivu. JSMP rekomenda ba governu atu evita planu orsamentu retifikativu iha futuru,” dehan Diretór Interinu JSMP Casmiro dos Santos.

Atu hetan informasaun kle'an favor kontaktu direktamente:

Casmiro dos Santos

Diretór Interinu JSMP

Diresaun e-mail: casmiro@jsmp.minihub.org

Landline: 3323883